



赤水玄珠

醫案

卅九

武  
316  
40



武  
516  
卷 40



赤水玄珠醫案三吳治驗二卷目錄

沈別駕夫人產後發熱有發明

太夫人白帶二

吳北海令政經行四肢壘又發塊紅紫三

周翳玉白濁四

竹匠婦妊娠吐血胸腹脹痛有發明

李妓夢遺咳嗽六 金妓時疫七

曹鏜胸膈不暢八 李雙痛風九

沈別駕門下老僕三陽合病有發明

三吳目錄

二卷

祭中林內人陽明必陽合病

十一

吳九宜先生早晨泄瀉

十二

沈大官左膝腫痛不能起止

十三

沈繼庵下痢脫肛內人乾霍亂

十四

沈晴岳先生五更耳鳴

十五

潘景宇內人頭痛作瀉

十六

臧六老上吐血下瀉血

十七

臧氏婦臍邊痛下痢紅白

十八

丁耀川令堂吐血左髻肛門互換作痛

十九

丁文學令姊暈厥

二十

金良美咳嗽吐紅潮熱右脇不能卧

二十一

倪五娘子口眼歪邪

二十二

王祖泉令政頭痛惡寒汗出如兩

二十三

溫巽橋子婦滯下

二十四

溫渠內人血虛咳嗽

二十五

溫巽橋二令媳產後右脇脹痛白帶如膿

二十六

溫天衢病目吐血

二十七

張二娘子孕七月嘔吐不止

二十八

王敬泉內眷痰嗽腹脹

二十九

溫南溪內人大便秘結 三十  
 陳春野公令愛丁奚疳症 三十一  
 潘敬登令媳血下筋膜如手大者一二桶 三十二  
 張懷赤公早晨洩瀉下元虛寒 三十三  
 臧七房二老夫人痢 三十四  
 蔡樂川令眷頭痛如破 三十五  
 周蘆汀迺眷胃腕痛 三十六

目錄終

赤水玄珠醫案二卷

明新安生生子孫一奎文垣甫輯

門人余煌

子 泰來 仝闕梓

朋來

沈三石別駕公夫人嚴產三日而腹不暢南潯女  
 科陳姓者為下之大瀉五六次遂發熱惡心又  
 用溫膽湯止吐小柴胡退熱服四日熱吐四日  
 粹米不進亦四日又進八珍湯加童便服後昏

三卷二卷

三  
憤耳聾。眼合。口渴。腸鳴。眼胞上下及手足背皆  
有虛浮。因逆予治。診其六脈皆數。時五月初二  
日也。予曰。脈書云。數脈所主。其邪為熱。其症為  
虛。法當以十全大補湯加炮姜進之。夜半稍清  
爽。進粥一盃。始開目言語。次日午時。以承值者  
倦而藥不相接。且言語太多。復昏昧。不知人事。  
初四日。以人參白朮各三錢。炮姜茯苓陳皮各  
一錢。甘草五分。煎服。訖體微汗。遍身癩瘰。熱退  
而神爽。下午又藥不接。又動怒昏昧。復如前。六

脈散亂無倫。狀如解索。喘逆沒而虛極矣。予  
人參白朮各五錢。炙甘草炮姜大附子各一錢。  
連進二帖。是夜熟寢。唯呼吸之息尚促。初六日  
脈又數。下午發熱不退。環跳穴邊發一毒。如碗  
大。紅腫微痛。夫人父嚴翁與陳女科交譜。之曰。  
向之發熱惡心。皆此所致。由附子乾姜溫補誤  
也。須急用寒涼解毒之劑。予正色而諭。以理曰。  
此乃胃中虛火遊行無制。大虛之症。非毒也。若  
作毒治。而用寒涼。速其死。爾內經云。壯者氣行

則愈。怯者着而成病。惟大補庶可萬全。三石翁  
然予言急煎附子理中湯進之。日夕兩帖。參朮  
皆用七錢。服後痲痺復出。毒散無踪。熱亦退。沾  
沾喜矣。復以參苓白朮散調理而全。安皆由產  
後誤用下藥致變。百出噫。唏。彼不達變之專科。  
其可任哉。

詰封吳太夫人者。車駕湧瀾公母也。年餘六十。久  
患白帶。歷治不効。變為白崩。逆予治之。診得右  
寸滑。左寸短弱。兩關濡。兩尺皆軟弱。予曰。據脉

常當作營

心腎俱不足。而中焦有濕。脉經云。崩中日久。為  
白帶。漏下多時。骨木枯。今白物下多。氣血日敗。  
法常燥脾。兼補心腎。以既濟丹補其心腎。以斷  
下丸燥中宮之濕。則萬全矣。服果不終劑而愈。  
既濟丹方 鹿角霜 當歸 白茯苓 各二石  
菖蒲 遠志 各一兩 龍骨 白石脂 各一兩 益  
智仁 錢五 乾山藥 打糊為丸 梧桐子 大 空 心 白  
湯下 七八十丸  
斷下丸方 頭二蚕沙 炒 三 黃荊子 炒 二 海標

鮫磨去 樗根白皮各一 麵糊為丸 下午白

湯送下六十九二

吳北海太學令政。每月經行期之前。四肢纒文發。塊紅紫脹痛。不思飲食。胃腕亦常痛。經水多不及期。診其脉。兩手皆駛。以症脉參之。肝脾二經有鬱火也。蓋肝主怒。脾主思。多思多怒。隱而不發。鬱滯於中。故臨經纒文發。經腫於四肢也。以柴胡 川芎 香附 烏藥 白芍藥 青皮 丹參 玄胡索 鬱金 酒炒黃連 山梔子

治之而愈三

吳之清客周芻玉者。豪放不拘。人言有晉人風。酒後益恣。而好男色。因患白濁。吳醫有以補中益氣湯升提者。有以六味地黄丸補陰者。有以五苓散六一散滲利者。有為降火者。有為溫補者。不効。又以草頭藥亂進之。肌瘦如削。膝軟如痿。患有年所矣。因紹介吳太學北海。而謁余。懇為治之。診其脉。右寸關皆數。予曰。皆由酒後不檢所致也。中宮多濕。多痰積。而為熱流於下。故

濁物淫淫而下。久不愈矣。與以加味端本丸服之。而瘥。白螺獅壳四兩。牡蠣苦參葛根黃柏各二兩。陳皮半夏茯苓各一兩。甘草五錢。麵糊為丸。令早晚白湯下三錢。四  
丁酉夏。予寓雒城顧鄉官宅。其門下竹匠婦懷妊五月。而患心痛。究其所由起。謂由失足墜樓也。始教飲韭菜汁一盞。而痛隨止。其夫又從它醫贖藥二帖。歸令煎服。服既心復痛。吐鮮血盈盆。曾問冲。又上抵疼。不可言。危在頃刻。竹匠告急。

予僕孫安。安怜之。懇予診治。六脉皆洪大。汗出如雨。喘息不相續。其婦樓居低。小子令丞移居樓下。隨與益元散五錢。令用紫蘇湯調服。又囑之曰。今夜若睡。聽其自醒。切勿驚動。汗止。即甦也。服後果睡。至曉。汗斂。而胃脘不痛。喘息亦定。再與固胎飲一帖。煎服。而全安矣。先是鄰醫診其脉。謂吐血之脉。宜沉細。今反洪大。而汗出喘息不休。危在今夜。及病起來。詢余曰。姪嬪不得汗。不得下。不得利。小便是。謂三禁。昨日之劇。悉



犯之而反獲効。何哉。予曰。醫貴審症。蓋煩之患。非由病汗。以樓居低小。當酷暑而熱逼。故也。汗血去。而胎失養。故仲仲上拒。喘息不續。移樓下。以避暑氣。益元散為解暑之聖藥。而紫蘂又安胎下氣之妙品。氣下則血歸原。而病痊矣。此對症之藥。法出王海藏醫壘元戎中。四血飲是也。特諸君檢閱不徧。即檢閱亦不知為胎產之治。余何能不過融會前人之法。用之而不膠焉耳。鄰醫俛首唯唯而退。五

壬申秋仲。予東遊攜李。而王松泉吳小峯偕行。小峯語予。中秋至矣。此間一妓李姓者。行第七。殊可人意。須訪之。晚令佐酒。至則見其態度果澹雅。風致坐少頃。連咳兩聲。小峯究其病。曰。偶耳。小峯謂母誑。孫公知人生死。不啻扁鵲。可求一診。診之。兩寸短濇。兩尺洪滑。關絃。予未語。而小峯問脉。予曰。脉甚恠。公可問經行否。曰。行僅一日。亦僅點滴。予曰。此脉在良家主。慶遺。若不宜有也。妓曰。良然。即御客時。亦或遺遺。則冷汗淫

公可問經行否 言問經行  
未與不來也訓誤  
若少也此訓恐誤耳

三卷  
淫體倦而不能支。小峰為請藥。予曰：姑置之。小峰問何故。予曰：金木相勝，心神無主，法當不治。小峰謂人尚無恙，何得便至於此。予曰：絃為春令，當金旺之時，猶然猖獗，設在外月，木旺火相，肺金枯痿，水之上源已竭，且腎脈洪滑，故以慾勝陰血既虧，淫火愈熾，書云：陰虛則病，陰絕則死。今已咳嗽，其兆見矣。可治乎。次年二月果死。

有老妓金姓者，其嫂三月患頭痛，身熱，口渴，水瀉。

嘉秀醫者  
讀為人性名忌  
認耳

不止，身重不能反側，日漸昏沉，耳聾，眼合，夢多，亂語。嘉秀醫者歷試不效，視為必死。予適吳江歸，便道過樵李，訪南溪吉泉，二兄吉泉兄以是症見詢，且言諸醫有以補中益氣湯進者，有以附子理中湯進者，二藥已煎成未服。幸弟至，乞為診之。六脈洪大，觀其色，內紅外黑，口唇乾燥，舌心黑胎，不知人事。予曰：此疫症也。法當清解，急以小白湯進之，猶可生也。若附子理中湯殺之，耳安可用。南溪兄問小白何湯也。予曰：小柴

胡白虎湯合而一之是也。南溪兄謂洩瀉昏沉如此，恐石膏不可用也。予曰：此挾熱下利，但使清陽上升，則瀉止熱退，而神氣自清也。服訖夜半，神氣甦醒，惟小水不利，熱渴不退。予思仲景法謂渴而身熱不退，小水不利者，當利其小便，乃以辰砂六一散一兩，燈心湯調服之。兩帖而瘳。南溪兄曰：死生信乎命也。弟頃刻不至，必服理中湯，此婦不為泉下人哉。七

有曾姓謹，鏗者。九月重陽，以曾萬不舒暢，而謁南

溪兄為治。診未竟，予至。南溪兄起語曹曰：舍弟高手，說診之。診訖，未有言。而南溪私問曰：曹何如脉？予曰：不治會易貨者，沓至予，亦別去。曹果次年二月死。南溪兄問曰：向曹無它病，而弟見脉即斷，不治何也？予曰：其脉兩寸洪滑搏指，兩關微絃，兩尺微弱，難經所謂溢脉也。九月深秋，木彫零時也，不宜絃大。大則上盛下虛，至二月木旺，亦能生火。火木性皆上升，不下下無真陰以相濟，是有陽無陰，有升無降。內經曰：出入廢

則神机化滅升降息則氣力孤危是以斷曹子  
二月當嘔吐而死也。  
嘉善之妓李雙號素琴體雖肥而性冲澹態度閒  
雅端重歌調倡家推其擅場與予邑程芹溪處  
厚患痛風自二月起至仲冬諸治不効搗母慳  
毒遂視為痼疾不為治而芹溪固懇予診之六  
脉大而無力手足肢節腫痛兩跨亦痛不能起  
止肌肉消其半日僅進粥二碗月汛兩月一行  
甚少予曰此行痺也芹溪問病可治否予笑而

應曰君能娶予能治之芹溪曰嫁娶乃風月中  
套語公長者乃亦此言予曰觀此子雖墮風塵  
寔有良家風度予故怜之且君斷絃未續而彼  
有心於君或天緣也芹溪曰誠吾素願恐搗母  
高其價而難與言予謂衆其病而盟之易與耳  
芹溪以予言為然乞為治之以人參白朮苡仁  
各三錢當歸枸杞杜仲龜板蒼耳子各二錢晚  
蚕沙秦艽防風各一錢大附子甘草桂枝黃柏  
各五分十帖而痛止腫消改用歸芍六君子加

改仁丹參紅苓石斛紫荊皮三十帖而全愈芹  
溪娶之善持家舉族稱賢而亦羨予知久焉九

沈別駕翁有老僕頭痛遍身骨節痛面色黑發熱  
口渴胃滿膨脹飲食七日不入復感寒人皆危  
之予診其脉左絃數右洪大以藿香蒼朮防風  
葛根白芷紫蘓甘草陳皮大腹皮麦芽枳實服  
後胃滿稍寬熱與痛更甚改以麻黃葛根柴胡  
各二錢石膏滑石各三錢紫蘓葉白芷蒼朮各

一錢甘草五分姜三片服後大汗出而熱痛皆  
除惟口渴又以白芍藥當歸石膏知母柴胡黃  
芩麥冬葛根陳皮煎服全愈別駕翁喜詰予曰  
老僕病甚重無不謂其必死先生三日起之此  
何症而何湯劑飲之使起也予曰此三陽合病  
先為飲食所傷予故先用藿香正氣湯加消導  
之劑治其本又以六神通解散加助表之藥治  
其標病雖重年雖高喜其色脉相對故投以對  
症之藥易愈也翁曰在先生然耳若它人輕者

且重况重者乎。吾未見其能起也。十

蔡中林文學內人發熱口渴舌上燥裂小腹痛嘔吐藥食不能入者七日諸醫之技殫矣皆視為鬲食而不可為吳我峰翁固邀予診右寸脉絕不應指關沉滑有力左手絃數予曰此陽明少陽合病邪熱壅於上焦然也非鬲食法當解散數劑可愈無恐以軟柴胡石膏各五錢半夏麩枳實黃芩黃連葛根竹茹人參各二錢姜三片煎服藥納而不吐五更下黑糞數塊熱痛減半

次日仍與前藥右寸脉至是亦起粥始進  
小柴胡加橘紅竹茹葛根服三帖而全安

吳九宜先生每早晨腹痛洩瀉者半年糞色青腹膨臍人皆認為脾腎洩也為矣關元三十壯服補脾腎之藥皆不效自亦知醫謂其尺寸俱無脉惟兩關沉滑大以為憂以人言洩久而六脉將絕也予為診之曰君無憂此中焦食積痰洩也積膠於中故尺寸脉隱伏不見法當下去其

積諸公用補謬矣渠謂敢下耶予曰何傷素問云有故無殞亦無殞也若不乘時久則元氣愈弱再下難矣以丹溪保和丸二錢加倍急丸三粒五更服之已刻下稠積半桶脹痛隨愈次日六脉齊見再以東垣木香化滯湯調理而安渠稱謝言曰人皆謂六脉將絕為虛極公獨見之真而下之由公究理深邃故見之行事著之談論皆自理學中來它人何敢望其後塵十二

沈大官左膝腫痛不能起止者半年大便瀉一日

三次診其脉絃緊子曰此脾虛有濕熱凝於絡流於下部也古謂腫屬濕痛屬火用蒼朮黃栢薏以仁為君澤瀉猪苓五加皮為臣炙甘草防風桂枝為佐木通為使四帖痛減腫消洩瀉亦止改用蒼朮蒼耳子五加皮改仁當歸枸杞子杜仲丹參黃栢烏藥葉酒糊為丸調理月餘步履如故十三

沈繼庵先生下痢十二日腹痛脫肛後重噯氣不知飢一友用補中益氣加白芍藥腹痛愈加後

重亦甚。予脉之右關滑大搏指曰此積滯固結腸胃間故從重脫肛也當為推蕩以其素弱多鬱不敢只為調氣而兼消導木香山查枳榔枳實川芎白芍藥黃連黃芩秦艽服後稍寬次日用七傷丸二帖全愈。其內人患發熱頭痛遍身痛乾嘔口渴胃鬲脹悶坐卧不安醫與以參蘓飲乾嘔愈甚又加煩躁予診之右手洪大倍於左左浮數予曰乾霍亂症也與以藿香正氣散減去白木桔梗加白扁豆香薷一帖吐止食

進遍身痛除惟口渴額痛未除小水不利以石膏香薷滑石各五錢橘紅藿香葛根各二錢枳榔木瓜各一錢甘草五分姜二片一帖而愈

沈晴岳先生五更耳鳴腹不舒暢稍勞則焮然熱自汗脉右關滑大有力左脉和緩原為當風睡卧而得素來上焦有痰火午後過勞或受餓大作眩暈冷汗津津再不敢動稍動則嘔吐此皆痰火所致蓋無痰不作暈也先與藿香正氣散



一帖以去表裏之邪。繼與溫膽湯加天麻服後。眩暈嘔吐皆止。次日診之。右關脈仍滑。此中焦食積痰飲膠固已久。卒難動搖。姑以二陳湯加枳實黃連滑石天荅粉天麻竹茹調理。後以當歸龍會丸加牛胆南星青礞石凡數帖全愈。

潘景字內人。後半夜不睡。面黃肌瘦。兩太陽及肩稜骨痛。大便糖稍勞動則體熱。四肢無力。其脈左寸洪滑。自春至秋皆然。此由脾虛肝心二經

大盛然也。先用四君子加酒連柴胡白扁豆澤瀉滑石調理。夜與錢仲陽安神丸數粒。燈心湯送下。服八日得睡。兩太陽亦不痛。繼用六君子加黃芪秦艽柴胡澤瀉當歸白芍藥黃柏全安。

臧六老上吐血下瀉血。胃鬲背心皆脹。原從怒觸。又犬肉所傷。故發熱而渴。醫者皆作陰虛火動。而為滋陰降火。胃背愈脹。血來更多。予診之。兩關俱洪滑有力。謂曰。此肝脾二經有餘症也。作

陰虛治左矣。內經曰：怒傷肝，甚則嘔血并下。洩胃背脹痛，瘀血使然。脾為大肉，所傷故不能統血。今誤用地黃、麥冬、黃柏、知母等劑，是以脾益傷而上焦瘀血愈滯也。惟調氣健脾兼之消導，則萬全矣。六老曰：人皆謂勞怯故發熱吐紅血，上吐陽絡傷也，血下行陰絡傷也。陰陽俱傷，法當不治。公獨認非陰虛，何也？予曰：脈書云：脈數無力者，陰虛也。今脈固非陰虛，書又曰：凡陰虛之熱發於申酉戌間，夜半而退，明日猶是，如潮。

信然。以下午乃陰分主事，故曰陰虛潮熱也。今熱不分晝夜而症亦非陰虛，故曰作陰虛治者，左也。六老聞言大喜曰：公誠見垣一方者，幸甚。一七以生之，即與山查、香附、枳實、調氣消導為君。丹參、丹皮、桃仁、滑石、茅根、化痰血為臣。黃連、蘆根、解大肉之熱為佐。四帖胃背寬，血吐止。惟腹中不舒，仍以前藥同。丹溪保和丸與之。四帖大便下，極臭，黑糞半桶，寢食俱安矣。十七有臧氏之婦，原以有痰火，服降火之藥過多，至秋

痰積因令氣下行而滯於大腸。臍邊有硬塊按之甚痛。痢下紅白八日。下惟點滴。日夜二十餘行。腹痛潮熱。口渴。小便不利。大便裏急後重。飲食不進。身重不能轉側。予診之。喜左脈皆有神氣。即從劉守真之法。行血則便膿自愈。調氣則後重自除。治之用白芍藥。滑石。桃仁為君。當歸為臣。木香。檳榔。山查。酒。芍。酒。連。枳。壳。為佐。服下大便稍流利。腹中稍寬。詎次日仍與前藥。則滯下大行。痢減太半。第三日用芍藥。當歸。滑石。桃

仁。炙甘草。酒。連。木香。與保和丸。全服。下午大便行。上午所服丸藥。隨糞而下。乃知積滯已盡。諸症悉減。惟臍邊痛未全止。以仲景小建中湯。加當歸。木香。服之而安。十八

丁耀川文學令堂年四十四。常患胃脘痛。孀居十五年。日茹蔬素。其年七月。觸於怒。吐血。梳許不數日。平矣。九月又怒。而吐血如前。加腹痛。至次年二月。忽裏急後重。肛門大疼。小便短澀。出惟點滴。痛不可言。腰與小腹之熱如滾湯。泡者日

惟仰卧不能側一側則左跨并腿作痛兩跨原  
有痛小便疼則肛門之痛減肛門疼則小便之  
痛亦減肛門以疼之故不能坐遇驚恐則下愈  
墜而疼經不行者兩月往常經來時腰腹必痛  
下紫黑血塊甚多今又白帶如注口渴通宵不  
寐不思飲食多怒面與手足發虛浮喉中梗梗  
有痰肌肉半消診之脈僅四至兩寸軟弱右關  
滑左關絃兩尺滿據脈上焦氣血不足中焦有  
痰下焦氣疑血滯鬱而為火蓋下焦之疾肝腎

所攝腰跨肝之所經而二便乃腎之所主也據  
症面與手足虛浮則脾氣甚弱飲食不思則胃  
氣不充不寐由過於憂愁思慮而心血不足總  
為七情所傷故內經云二陽之病發心脾女  
子得之則不月此病近之且值火令當權之候  
誠可慮也所幸者脈尚不數聲音清亮尤可措  
手因先為開鬱清熱調達肝氣保過夏令後再  
為驟補陰血必戒絕怒氣使血得循經而病可  
痊不然則倉扁亦難奏功矣初投當歸龍會丸

杜牛膝 昂天名精根

以徹下部之熱繼以四物湯龍胆草黃柏知母  
柴胡澤蘭葉煎吞滋腎丸連服四日腰與小腹  
之熱始退後以香薷石膏龍胆草桃仁滑石杜  
牛膝甘草梢軟柴胡煎吞滋腎丸大小便痛全  
減十九  
丁文學長令姊常患暈厥吐痰枕許乃甦一月三  
五發後又口渴五更倒飽腸鳴腹疼洩瀉小水  
短澇咳嗽余脉之兩寸濡弱兩關滑大此中焦  
痰積所致也先與二陳湯加蒼朮山查麦芽以

健脾胃去濕為臣以白芍藥止痛為君以滑石澤  
瀉引濕熱從小便出為佐黃芩為禪佐十帖二  
陰之痛俱止改以六味地黃丸加黃柏知母牛  
膝服之全安二十

有金良美者年十八患咳嗽吐紅下午潮熱夢遺  
市醫進四物湯加天麥門冬黃柏知母之類治  
半年反加左脅脹疼不能側卧聲音漸啞飲食  
輒惡心肌肉大削六脉俱數醫告枝窮因就予  
治觀其面色白又隱隱有青氣夾之兩足痿弱

三吳二卷

無力予語之曰此症氣虛血熱而肝脉甚絃  
則木氣太旺脾土受虧不能統血殆始怒氣所  
觸繼為寒涼之劑所傷以致飲食惡心肌肉瘦  
削書云脾胃一虛肺氣先絕以肺金不足則肝  
木愈不能制濁痰瘀血凝於肺竅故咳嗽聲啞  
滯於肝故左脇不能貼席而卧病勢危矣喜在  
青羊猶可措手因急用人參二錢鱉甲五錢為  
君白朮白芍陳皮茯苓通草貝母各一錢為臣  
甘草牡丹皮各七分為佐桔梗五分為使二十

帖潮熱止咳嗽減大半三十帖聲音聞亮左脇  
亦能貼席而卧後以大造丸調理全安矣乃囑  
之曰病愈雖可喜而絃脉未退須切忌怒氣及  
勞心勞力之事庶幾可保無虞苟不守予言而  
勞怒相觸血來必不能禦戒之防之此後精神  
日王肌體豐肥六年無事一日遇事拂意大怒  
而又結算勞心則血如泉湧頃刻盈盆上唇黑  
腫汗出淋漓急請予診脉亂無倫診畢渠語近  
侍欲大解予曰此死徵也陰陽乖離矣辭而出

未離門而氣絕。父母哭謝。予曰：始守翁訓。苟活  
六年。一旦不戒。遂如翁所料。先生雖命。亦不自  
慎。致之其為人也。量窄而繫於財。因記此以戒  
世之重財輕生者。二十一

倪五娘子。以中風暈厥之後。口眼歪邪。左腳右手  
不能屈伸。口渴。小便不利。兩頰緊。出語艱澁。問  
之。則期期而對。不問。默然。亦不思飲食。行年五  
十矣。諸醫不效。予治始與涼膈散。加石菖蒲。遠  
志。煎湯化錢氏安神丸二顆服之。其夜大便四

行。次日神氣遂清。口眼半正。惟車頰尚緊。未  
關聲。細察形氣。但弱也。即與六君子湯。加麥門  
冬。滑石。天荅粉。石菖蒲。遠志。當歸。薄荷。服後神  
思大清爽。能自坐。不須人扶。語言亦稍利。改以  
六君子湯。加麥冬。天荅粉。石菖蒲。當歸。五加皮。  
薏苡仁。紅荅。天麻。十帖全愈矣。二十二

王祖泉令政。患頭疼。夜熱。洒淅惡寒。汗淋漓。如雨。  
上。身熱。下身寒。渴。不思飲。遍身疼。腹有一塊大  
如拳。硬如石。腸鳴。小便短少。飲食俱廢。脉則右

閉滑左絃數究所由起謂大怒後即傷於食市醫皆以地黃門冬苓連黃柏之劑治之熱愈甚脾氣大虛予治用平胃散加山查麥芽砂仁香附木香川芎枳實連進四帖中氣稍能運動而夜熱如前再與補中益氣湯寒熱俱退矣而腹痛裏急後重予知其積滯將行也乃與白六神丸而腹痛後重皆除改進以參苓白朮散加香附烏梅山查服之病良已二十三

溫異橋子婦吳車駕湧瀾公長女也發熱惡心小

瘧

腹痛原為怒後進食因而成積左則酸痛已十日矣南潯有陳女科始作瘧疫療治嘔噦益加又作瘧治粒米不能進變為滯下裏急後重一日夜三十餘行陳技窮而辭去且言曰非不盡心犯逆症也下痢身涼者生身熱者死脉沉細者生洪大者死今身熱脉大而又噤口何可為哉因請予治脉之兩手皆滑大尺部尤搏指予曰症非逆誤認為瘧治者逆也雖多日不食而尺脉搏指內經云在下者引而竭之法從



下。可生也。即與當歸龍會丸一錢五分服下。去  
稠積半盆。痛減大半。不食者十四日。至此始進  
粥一甌。但胃氣仍飽悶。不知餓。又與紅六神丸  
二錢。胃氣舒而小腹軟。惟兩跨痛。小腹覺冷。用  
熱磚熨之。子戶中白物綿如絮。小水短滿。改用  
五苓散加白芷小茴香白鷄冠花柴胡服之。至  
夜滿腹作疼。亟以五靈脂醋炒為末。酒糊為丸  
三錢。白湯送下。通宵安寢。次日精神清健。飲食  
大進。小水通利矣。而獨白物仍下。再用香附炒

黑存性。枯礬各一兩。麪糊為丸。每空心。益母草  
煎湯送下。二錢。不終劑。而白物無病全愈矣。專  
科報然。稱奇而服錄。其案驗而去。二十四  
溫一渠內人。平素血虛咳嗽。近為飲食所傷。不知  
飢餓。專科作陰虛治。而胃氣愈脹。予脉之。右關  
滑大。左手軟弱。法當先健脾胃。消去飲食。然後治  
嗽。若為滋陰降火。不惟咳嗽無功。恐脾胃轉傷。  
腹脹瀉洩。變將不測何也。脾胃喜溫而惡寒也。  
即以二陳湯加山查麦芽枳實白朮川芎香附

與之一劑而胃高寬再劑而飲食進繼用桑白皮地骨皮甘草陳皮貝母瓜蒌仁馬兜鈴桔梗紫苑十帖而咳嗽脫然矣。二十五

温異橋二令媳產後五十餘日右脇脹痛手不可近赤白帶多下如膿發熱大便燥結予曰此惡露未盡瘀血化為膿治宜急也嘗見數婦有此病而不識治積而成毒有成腸癰者有內成腫毒潰從腰俞出者皆以不知治法則瘀血無從出故也急用澤蘭葉山查于五靈脂消惡露為

君川芎當歸茯苓白芷為臣益母草為佐香青皮為使外與當歸龍會丸潤大便使熱從大便去服後次日腹脇皆寬痛亦盡止又因食葷與鷄子復作疼但不如前之甚隨與保和丸用山查煎湯送下三錢而痛愈矣。二十六

温天衢氏冬月病目醫為發散太過至春間吐血梳餘及夏下午潮熱咳嗽胃高脹疼早晨冷汗淋漓大便溏一日兩行飲食少肌肉消十之七脉數據症脉法在不治里中諸長老以其素行

端厚群然懇子措劑予以衆懇不能辭乃用瀉  
白散加五味子白芍藥貝母馬兜鈴服下其夜  
帖然而卧不嗽惟大便溏前藥加白扁豆山藥  
茯苓汗亦漸止復與瀉白散加石斛馬兜鈴貝  
母陳皮薏苡仁白芍藥山藥五味子桔梗調理  
三月而全二十七

張二娘子姪七月而嘔吐不止氣壅咳嗽胃與兩  
脇皆脹不能伏枕予先與金苓丸二服以止吐  
服下立應繼與大腹皮陳皮枳殼半夏甘草竹

茹茯苓旋覆荅前胡紫苑黃芩生姜服二帖氣  
平嗽止安然睡矣二十八

金苓丸者雄黃一錢五分半夏一兩枳殼二  
錢姜汁浸蒸餅糊為丸是也

王敬泉內眷患痰嗽腹飽脹洩瀉腸鳴裏急後重  
發熱口臭鼻之氣如火塞以六君子湯加山查麥  
芽柴胡秦艽青蒿白芍藥益智仁與香連丸魚  
服兩劑氣舒嗽減大便結實鼻仍塞前方加川  
芎減白芍藥而安二十九

温南溪内人居常大便秘結面赤不思飲食頭時  
眩暈診其脉右關尺滑大有力此痰火症也用  
瓜蒌四錢為君滑石三錢枳實二錢半夏一錢  
半為臣蘿蔔子姜黃各一錢為佐兩帖愈矣又  
教以或遇大便秘結每服當歸龍會丸加牛胆  
南星一錢立應三十

陳春野孝廉二令愛患下痢瘕痢四肢浮腫以布  
袋丸與大安丸同服則大瀉用參苓白朮散加  
澤瀉山查麥芽瀉亦不止神氣大弱穀粒不入

胃

口小水不利大便一日仍三五次積滯未除改  
以參苓白朮散加肉蓯與服瀉稍止食粥一盞  
下午因食紅棗數枚夜分痰忽起其勢甚危急  
與蘊合丸服之而愈再以參苓白朮散加石菖  
蒲藿香炮姜肉蓯調理全安三十一

潘敬全令媳原因經水不行醫投安胎之劑越七  
月經水忽大行內有血塊筋膜如手大者十二  
桶昏胃困憊為劇逆予治其脉右關洪滑左寸  
洪數兩尺皆洪大病形夜分咬牙亂語手心熱

三原二卷

三五

口噤時手足皆冷心頭脹悶不快面色青始諸  
醫皆謂難治予曰無恐此濁痰流滯血海以誤  
服安胎之劑益加其滯夫血去多故神魂無依  
痰迷心竅故神昏語亂急為調氣開痰安神養  
血可生也即以溫膽湯加石菖蒲酒芩天麻酸  
衷仁丹參與服其夜子丑時咬牙亂語皆減半  
次日仍與前藥每帖加竹茹五錢臨睡又與黑  
虎丹數粒諸症悉去而愈敬叅問曰藉高手病  
痊矣而每發於夜半何也予曰此心包絡與膽

經有痰熱故每至其時而發單治此兩經痰既  
消而神魂俱安也敬叅曰善 三十二  
上舍張懷赤每早晨腸鳴瀉一二度晚間瀉一度  
年四十二且未有子予診之尺寸短弱右關滑  
大予謂此中焦有濕痰君相二火皆不足故有  
此症以六君子湯加破故紙桂心益智仁肉苳  
菟前服瀉遂減半又以前藥加杜仲為丸服之  
而愈次年生子 三十二  
臧七房二老夫人年六十八患痢痢後過食熟菱

與腐湯以致大便滑洩不固飲湯水徑直下不  
停胃高舌悶語言無力舌乾口燥生瘡噤津液  
則喉疼元氣大虛而熱皆虛火所致且長蒸二  
十餘年又當痢後益知非有餘之症也脈又尺  
寸俱弱兩關滑大內經云清氣在下必生食溲  
濁氣在上必生膜脹此之謂也法當提清降濁  
補助元氣用四君子湯加葛根白芍藥黃連清  
虛熱止燥渴為君桔梗輔佐葛根升提清氣為  
臣陳皮麦芽降其濁氣以消胃高舌悶為佐加

烏梅為使上使生津下使泄瀉連服二劑尺寸  
之脉稍起飲食亦得停腹脹驟然始有生氣仍  
以前方加白扁豆神麩打糊為丸調理而安

三十四

蔡樂川令眷患頭痛痛如物破髮根稍動則痛延  
滿頭暈倒不省人事踰半時乃甦遍身亦作疼  
胃高飽悶飲湯水停兩間不下先一日吐清水  
數次蛔虫三條原為怒起今或惡風或惡熱口  
或渴或不渴大便秘脉則六部皆滑大有方予

飽

曰此痰厥頭痛症也。先以藿香正氣散止其吐。繼以牛黃丸黑虎丹清其人事。頭仍疼甚。又以天麻藁本各三錢半夏二錢陳皮白芷薄荷麻黃生姜葱白煎服得少汗而頭痛少止。至晚再服之。五更痛甚。大井而人事未全清。予謂此中焦痰盛。非下不可。乃用半夏五錢巴霜一分麵糊為丸。每服三十九。生姜湯送下。下午大便秘。三次皆稠粘痰積也。由此飲食少進。餘症差可。惟遍身仍畧疼。改用二陳湯加前胡石膏藁本。

薄荷枳壳黃芩石菖蒲調理而安。三十五

周蘆汀乃眷。患胃脘痛。手心熱。嘔吐不食者四日。晝夜叫痛不輟聲。脉則兩手皆滑數。予謂當以清熱止痛為先。故先與清熱止痛末藥二錢令服之。不一飯頃痛遂止。而睡家人皆色喜。予曰未也。此火暫息耳。其中痰積甚固。不乘時而下之。勢必再作。因與總管丸三錢服下。腹中微痛。再服二錢。又睡至天明。乃寤而腹痛亦止。大便下痰積甚多。次日以二陳湯加枳實姜黃香附。

山梔黃連與之服後胃脘之痛全止。惟小腹畧覺膨脹。予謂其痰積未盡也。再與總管丸三錢。夜服之。天明又行一次。痰積之下如前。而胃脘之痛亦絕不發矣。三十六



